

Petrus de Vinea

*Ep. V 18 (Intellecto
nuper, quod nonnulli...)*

Basilicata University Press

—

Digital Humanities

Edizioni e data-bases digitali
sotto la direzione di Fulvio Delle Donne

Petrus de Vinea

*Ep. V 18 (Intellecto
nuper, quod nonnulli...)*

1248

Iustitiario, ut compellantur redire ad habitandas terras suas illi, qui pro uitandis collectis fraudulenter fugerunt ab eisdem.

1. Intellecto nuper, quod nonnulli habitatores Regni, ut collectarum et aliorum curiae nostrae seruitiorum ab aliorum suorum ciuium communione se subtrahant, incolatus propriis domiciliis derelictis, se ad alia loca iurisdictionis tuae, in quibus eorum non sit nota condicio, per dolosa suffragia transtulerunt, et sic onera, quae communes humeros exigebant, incumbunt residuis intolerabiliter supportanda. 2. Quocirca fidelitati tuae precipiendo mandamus, quatenus quoscumque habitatores terrae ipsius ob causam predictam propria domicilia inueneris reliquisse, ipsos ad incolatus terrae suae incontinenti redire, qua uideris rerum et personarum districtione, compellas, ut fugam ipsam, quam in aliorum preiudicium fraudulenter ingesserant, nullum sibi sentiant patrocinium exhibere.